

Credebam hoc olim adolescens, qvum neq; arbitrari, nedum censere quidquam hujus rei possem, subjectus adhuc in scho-  
la triviali patriâ Naumburgensi præceptorum ferulæ, & quidem,  
quos honoris & venerationis causa nomino jam in Domino piè  
defunctos, M. PAULLI MULLERI Wittenbergensis t. t. Recto-  
ris, postea Doctoris Theologi & in Academiâ Juliâ Professoris &  
Superintendentis, ac, extremis temporibus, Ephori Pastorum in  
Ducatus Brunovicensis parte Guelphico-Calenbergensi Genera-  
lis, itemq; M. TOBIÆ Echarti Delitianî, quorum manuductione  
non semel publicè declamitavi: quod idem postea in *Academiâ Salanâ* sub Viro Excellentissimo PHILIPPO HORSTIO Bruns-  
vigato Facultas inibi Philosophicæ totiusq; Academiæ Seniore ve-  
nerabili pertexui, cujus directione anno hujus sæculi XXIX<sup>mo</sup> in-  
festô Michaëlitico unâ cum JOHANNE Bock Salfeldiâ Thu-  
ringo, JOHANNE STEPHANO Gótzio Nassachiâ-Franco &  
JOHANNE FRIDERICO LERCHENFELDERO Ratisbonâ-Ba-  
varo in splendido procerum Academicorum confessu & spissâ  
studiosorum coronâ panegyrin Oratorium de *Angelis* celebravi.  
Et ipse mecum deinde deprehendi, non parvam mihi ex hisce ex-  
ercitationibus fiduciam & in loquendo seu differendo audaciam,  
honestam tamen, natam fuisse: proinde etiam qvum postea,  
DEO sic disponente, vitis mihi sive centuriatus Scholasticus tra-  
ditus esset, videremq; idem urgeri à M. SIXTO BERTRAMO,  
cui datus eram optio, Scholæ Naumburgensis Rectore, Doctore  
hodie Theologiae & Pastore Udalriciano apud *Hallenses in Saxoni-  
bus*, Adfinè meo plurimùm honorando, ejus postquam vices mi-  
hi traderentur, in hoc quoq; gymnasiate vestigiâ pressi, licet illud  
postea frequentiùs & feliciùs continuaverit meus in Recturâ  
Scholæ patriæ successor M. JOHANNES SEBASTIANUS  
~~Mitternacht~~ / hodie Illustris *Rutheneti*, quod est Geræ ad Ely-  
strum, Rector: ego enim statim anno hujus sæculi XLI<sup>mo</sup>, de quo